

Arnat naartusut erninissaannut sapaatip akunneri sisamaannangortut tagginneqarneraniit naartunerminnut atatillugu sulinngiffeqartalernissaat pillugu Naartunermi, erninermi meeravissartaarnermilu sulinngiffeqartarneq ullormusiaqartarnerlu pillugit Inatsisartut inatsisaata nr. 14-p, 7. december 2009-meersup allannguutissaanik saqqummiusseqqullugit Naalakkersuisut peqquneqarnissaannik Inatsisartut aalajangiiffigisassaattut siunnersuut.
(Inatsisartuni ilaasortaq Randi Vestergaard Evaldsen, Demokratit)

Akissuteqaat

(Peqqissutsimut, Isumaginninnermut Inatsisinillu atuutsitsinnermut Naalakkersuisoq)

Aappassaaneerpeqarnera

Siunnersuummik peqqissaartumik suliaqarsimanera pillugu Ilaqutariinnut Peqqinnissamullu Ataatsimiititaliaq Naalakkersuisut qutsavigaat.

Naartunermi, erninermi meeravissartaarnermilu sulinngiffeqartarneq pillugu Inatsisartut inatsisissaattut siunnersuummik suliaqarluni aallartittoqarsimasoq Naalakkersuisut siusinnerusukkut nalunaarutigereerpaat. Erninnermut atatillugu sulinngiffeqarnermut aningaasaateqarfimmik pilersitsisoqarnissaa siunnersuummut tassunga ilanngunneqarpoq. Siunnersuut taanna maanna Naalakkersuisut tusarniaanermut nittartagaaniippoq.

Arnanut illoqarfitsik qimallugu erniartortariaqartunut arnat sivilunerusumik sulinngiffeqarsinnaanerannik massakut Naalakkersuisut Inatsisartut inatsisissaattut siunnersuutaat imaqareerpoq. UKA 2019-imi malittarisassat taakku akuersissutigineqassappata, taava Inatsisartut aalajangiiffigisassaattut siunnersuutip massuma kinguneranik UPA 2020-imi atorunnaarsinneqareersinnaapput erninnginnerlu sioqqullugu sulinngiffeqarnissaq pillugu malittarisassanik taarserneqarlutik.

Inatsisartut aalajangiiffigisassaattut siunnersuut piviusunnngortinneqassappat, tassunga aningaasaliisoqartariaqarpoq. Tassunga atatillugu UKA 2019-imi aningaasanut inatsisissamut isumaqatigiinniartoqarneranut atatillugu, siunnersuutitut aningaasartuuteqarnissamik piunasaqaatitaqartunut allanut tulleriarinissanut ataatsimoortunut ilanngunneqartussanut ataqatigiissillugit aningaasaliissutissat taakku nassaariniarnerinut kinguneqartussamik oqaloqatigiittoqassasoq, Naalakkersuisut neriuteqarput.

Naartunermi, erninermi meeravissartaarnermilu sulinngiffeqartarneq pillugu Inatsisartut inatsisissaattut siunnersuut tamatuma kingorna siunnersuutitut ataatsimoortutut saqqummiunneqarsinnaassaaq, tamatumani tusarniaatitsineq nutaaq ingerlanneqareerpat ilanngutassat tamarmiusut ilanngullugit siunnersuutigineqartut UPA 2020-mi saqqummiunneqarsinnaalluni.

Naalakkersuisut tamanna tunngavigalugu ataatsimiititaliamit inassutigineqartoq malissallugu piareersimapput.

Naalakkersuisut taamatut oqaaseqarlutik siunnersuut akuerineqassasoq inassutigaat.